

Universitätsbibliothek Paderborn

**R. P. || Lvdovici || De Ponte Vallis-||Oletani, È Societate ||
Jesv Theologi.|| De || Christiani hominis || Perfectione In
Qvo-||libet eius Vitæ genere.|| Tomi Qvatvor.||**

Quorum argumenta ex S. Rvth Historia præcipue desumpta

Puente, Luis de la

Coloniæ Agrippinæ, 1625

§. 3. Eleemosynæ & opera Misericordiæ.

urn:nbn:de:hbz:466:1-39652

§. 3. Eleemosyna & opera misericordiae.

ORATIONI adiungenda est socia eius Misericordia & Eleemosyna, quæ ab ea procedit; cui sapè attribuit Scriptura sacra admitandos effectus ad peccatores conuertendos, ad peccata remittenda, & à morte æternaque damnatione liberandos. Salomon enim dicit: *a per misericordiam & fidem purgari peccata: b ex misericordia ac veritate redi iniquitatem.* nō quod hæc proximum sit Antidotum, expellens praus eos humores; sed quia Sypuri instar cor disponunt ad veram contritionem, quæ illos expellit, obtinendam; estque instar pretij, quo peccata remittuntur. Et S. Senex Tobias præclarum illud filio suo dedit consilium: *c quomodo potueris, ita esto misericors: si multum ibi fuerit, abundanter tribue, si exiguum tibi fuerit, etiam exiguum libenter impertiri* sive: *quoniam eleemosyna ab omni peccato & à morte liberat & non patientur animam ire in tenebras inferni:* Id q. Angelus Raphaël confirmavit, dicens: *d quoniam eleemosyna à morte liberat, & ipsa est, quæ purgat peccata, & fecit inuenire misericordiam & vitam eternam.* Et hoc nomine S. Daniel cixit Nabuchodonosori Regi: *e Rex consilium meum placeat tibi, & peccata tua de elemosynis redi me, & iniquitates tuas misericordius pauperum: for stan ignoscet delictis tuis Deus, euadesque poenas, quas Deus propter illa tibi minatur.* Quæ omnia memorabilibus hisce verbis S. Augustinus est complexus: Misericordia ad Deum dirigit hominem; Deumque deducit ut habitat in homine: quid enim Christum incarnauit, nisi misericordia? quid eum subiecit nostræ miseria, nisi sola clementia? O beata misericordia, quæ sola commercium nostræ salutis agnouit! O infinita misericordia, quæ sola potuisti trahere hominem de cœlo ad terram, & hominem de exilio ad regnum erigere! o magnum misericordiae vinculum, quo Deus ligari voluit, & potuit; & homo ligatus, vincula iniquitatis suæ dirumpit! Hoc lignum est, quo Moyses aquas dulcorauit; hoc est sal, quo Elisaëus aquarū sterilitatem sanauit; hæc est farina, quæ idem Elisaëus mortem, quæ in olla erat, extirpauit; hoc est oleum, quod Samaritanus infudit vulnerato; hæc aqua Iordanis, quæ curatur lepra Naaman Syri. Amate ergo fratres mei misericordiam: quia nunquam vidi pium hominem mala morte finiri. Hæc S. Augustinus, cuius testimonium & experientia magni facienda est, ut credamus, misericordiam imperare efficacem vocationem, & ante mortem conuersionem, ne misericors pereat in æternum. Nam f. Dei (vt ita David) in die mala liberabit eum: qui intelligit super egenum & pauperem, curamque eorum habet: & Christus Scruator noster dixit: *f. Beati misericordes: quoniam ipsi misericordiam consequentur.* Beatus eris, si alienarum miseriarum senseris compassionem: quia Deus tuarum miserebitur. Si infirmos visitaueris, Deus te in tuis infirmitatibus visitabit; si vestieris nudos, ipse suis gratijs & virtutibus

te in-

reinduct; si peregrinos hospitio exceperis in domo tua, excipiet te ipse in celo si captiuos redemeris, ipse teredimet ex inferno; si modestos fueris consolatus, consolabitur ipse te in tuo moerore; si illatas tibi ab alio iniurias condonaueris, Deus peccata condonabit, quae admisiisti; efficaciterque vocabit, ut veram institutas penitentiam. Hæc fuit vna ex præcipuis dispositionibus, qua RVT H suam contuerionem impetravit, ut ex verbis deducitur ipsius Noemi ad hurus suas: *h faciat vobiscum Dominus misericordia, sicut fecisti cum mortuis & tecum.* ita Hieronymus obsernat scribens ad Sanctam Paulam. Noemi, inquit, fugiens famem in terram Moab, maritum amilis, & duos filios, quæ cum esset ab omnibus suis deserta, RVT H tamen Moabitum, nunquam voluit eam dimittere. Attende, quanti fuerit meriti, desertam illam consolari: propterea enim id promerita est, ut ex eius genere Christus nascetur. Exaudiuit D E V S pauperis ac desolatæ Noemi orationem, exhibens RVT H, quæ eius misera fuerat, misericordiam: scriptum est enim in *desiderium pauperum & orationem exaudiuit Dominus.* Et quoniam pauperes duplex habere solent desiderium: alterum proprij remedijs, alterum ut retribuat D E V S ijs, à quibus ipsi subsidium & solamen acceperunt: utrumque exaudit celestis Pater, inspirans alijs, ut ipsis subueniant, & illos remunerans si fecerint. Et quamvis pauper ipse pro Eleemosynam sibi faciente non oraret, k ipsam (ait Ecclesiasticus) in corde & sinu pauperis conclusa exorabit pro faciente illam, ut liberetur ab omnimalo.

Non tamen absque mysterio adiecit NOEMI in sua preicatione verbum illud, *sicut fecisti cum mortuis:* quia si misericordia opera viuentibus exhibita multum valent, ad placandam Dei iram: non minus valent, quæ defunctis exhibentur, in eorum corporibus sepeliendis, ad sepulchrum deducendis, & eorum animabus per suffragia adiuuadis: ut à Purgatorij pœnis liberentur. Ed enim maior censetur misericordia, quod maior est miseria afflictæ, & minus potest ab eas liberare. Et quoniam defuncti suas miseras per se non posunt reparare, nec ab alijs petere, ut subueniant: insignis est misericordia, ad eam reparandam accedere; & valde impellit ipsum D. N. ad nostras reparandas, iuxta quod Rex David iussit significari viris Iabes Galaad: *I benedicti vos à Domino, qui fecistis misericordiam hanc cum Domino nostro Saul, & sepelisstis eum.* Et nunc retribuet vobis quidem Dominus misericordiam & veritatem: sed & exhortat gratiam, ea quod fecisti verbum istud: Quare etiam est credendum, ipsas animas, quorum corporibus hanc misericordiam exhibemus, & multo adhuc magis, si ipsi simet aliam exhibemus, liberando eas ex purgatorio, ostensuras se nobis gratas, orando suplices ipsum D. N. ut eius misereatur, qui illarum est misertus. Quapropter in Scriptura: in Sanctam esse & salubre cogitationem pro defunctis exorabit.

Ruth mise
ricors.

b Ruth. 1.8.
Epist. 25 ad
Paulam.

i Psal. 9.17.

k Eccl. 29.15

Suffragia
pro defun
ctis.

l 2. Reg. 2.5

m 2. Mach
12. 46.

Serm. 44.
ad Fratres
in Eremo.

re, ut à peccatis solviantur: non solum ob ingens bonum, quod illis procuramus; sed etiam quod nobis inde prouenit. Festinate (ait Sanctus Augustinus) orare pro defunctis Ecclesia, vt & illi festinent procurare, vt ipsis in gloria coniungamur. Si erga mortuos erimus misericordes, mala morte non peribimus: quia Deus nos proteget in hac vita; & postea deducet ad æternam.

§. 4. Qualis debeat esse misericordia, & quod à propria anima sit inchoanda.

Sed fortè sollicitos nos reddet, quod historia Sacra præsupponat, afflitem Noem i pro vtraque naru RVT & ORPRA Dominum orasse, ed quod vtraque misericordiam fecerit cum ipsa, & cum defunctis; & tamen sola RVT conuersionis misericordiam est consecuta; altera verò rediit ad suam idolatriam. quod si tantum potest exhibita misericordia, & pauperum, in quos illa exhibetur, oratio: vnde proueniet, in aliis peccatoribus bonum sequi exitum, in alijs non item? Huic occultæ adē grauique difficultati sufficienter liceret respondere ex illa solemnī ac decantata S. Augustini sententia, dicentis: magnam esse diuinæ gratiæ laudem, quod nullus ad Christum veniat, nisi Pater cœlestis eum traxerit. Sed nisi velis errare, abstine ab eo iudicio: Cur Deus hos trahit, illos non trahit; & cur hos potius quam illos? Accipe semel hoc salutare consilium: & si non te traxit, ora Deum, vt te trahat: & benè tuum negotium expedieris. quasi diceret: nè temerè examinare audeas, cur Deus D. N. efficaci vocatione quosdā peccatores vocet, potius quam alios? quia facile in abysso occulitorū eius iudiciorum submergeris: sed ingressus abyssum peccatorum tuorum supplex ipsum ora, vt te efficaciter vocet & ex illis educat. Agnosce & confitere, Deum esse misericordem, vt omnibus det quod ad conuersione illis sufficit; absq; vlla verò iniustitia non exhibere aliquibus speciales fauores, quos ex mera sua gratia alijs exhibet. Et iure optimo noluit Deus D. N. facere legem infallibilem, & regulam generalem conuertendi oēs peccatores eleemosynarios, aut Sanctorum aliquorū deuotos: quia facile hinc acciperent multi occasionem in suis peccatis perseverandi, cum ea fiducia, quod ad vitæ finē essent ab eis liberandi, quod in graue detrimentū cederet honoris Dei, eius Sanctorum, & reliquarū virtutum, atq; ipsius misericordiæ. Nam qui verè est misericors, quemadmodum cōpatitur alienis miserijs, ita debet proprijs, & multò adhuc magis spiritualibus, quam corporalibus: cū illæ sint sine comparatione maiores, iuxta Ecclesiastici sententiā dicentis: amiserere anima tua placens Deo. hoc est, si conscient sis, quod anima tua deciderit ex gratia Dei: miserere ei ob adeō magnam miseriā; & stude illā ab ea liberare, eam à tali culpa mundādo. Quamobrē dixit S. Augustinus: eos qui liberiorem vitam ducunt, nec adhibent curā emendandi

Occulta Dei
iudicia circa
vocatio-
nem efficacē
Tract. 26. 11
Ioan. 6. Non
iudicare, si
non v̄m er-
rare.

Charitas sic
ordinata.
a Eccl. 30.
24.
In Enchrid.
c. 7. 75.